



# PSALM 89


89




Vir e-wig staan u trou, dis son-der wan-ke-ling.




U lief-des-da-de, Heer, sal ek al - tyd be - sing;




u trou ver-kon-dig ek vir ko-men-de ge-slag - te.



U hou u eed, o Heer, met Da-wid in ge-dag - te;



U het dit self ge-sê: Vir e-wig sal dit vas - staan,




ook vir die na-ge-slag sal dit bly geld en voort-gaan.

2.

Die *hemelinge* loof sy  
*trou* en wondermag.


Die *hemelwesens* toon  
vir God die Heer ontsag  
en *niemand* is soos Hy;  
die Heer het geen gelyke,  
en van hul vrees vir Hom  
gee almal om Hom blyke,  
want *heilige* ontsag vir Hom  
het hulle almal.

U krag, o Heer, is groot,  
u *trou*, o Heer, is oral.









3.

*U is die heerser, Heer,  
en U bedwing die see,  
U maak sy golwe wat  
onstuimig is gedwee.  
Die vyand is verjaag,  
vernietig deur u oormag,  
die monster is verslaan,  
verbrysel met 'n doodslag.  
Wat op die aarde is  
en in die waters wemel,  
dit is in u besit,  
die aarde en die hemel.*







5.

Op *u* geregtigheid  
het *U* 'n troon gebou;  
Heer, *U* bied aan *u* volk  
*u* liefde en *u* trou.

Goed gaan dit met die volk  
wat deurentyd *u* Naam eer,  
wat jubel tot *u* eer,  
wat in *u* lig bly staan, Heer.  
*U* is die krag wat deur  
die mense hoog geroem word,  
*u* reddingsdade sal  
die hele dag genoem word.

6.

*Ons koning Dawid is  
die Heer se eiendom,  
die God van Israel bewaar,  
beveilig hom.*

*God het geopenbaar:*

*"Ek bied aan hom my bystand  
en Ek verdedig hom  
as held teen elke vyand.*

*Ek het hom uitgesoek  
as dienaar en as koning.*

*Met olie het Ek hom gesalf  
met sy bekroning."*




7.

*"My liefde en my krag sal  
hom versterk en steun  
en op my trou en arm wat sterk is,  
kan hy leun.*

*Sy vyande sal hom nie  
kwaad doen of verdruk nie,  
en niemand sal hom skaad  
of uit my hande ruk nie.*

*Ek laat hom sy gesag  
oor ver riviere uitbrei,  
tot oor die see sal hy  
sy heersershande uitsprei."*



Lied : ▶

8.

*"Hy roep My as sy God  
en as sy Vader aan:*


*My Heil, my Redder, God,  
my rots waarop ek staan.*

*Ek maak hom eersteling,  
as koning sal hy voor staan.*

*My trou en my verbond  
met hom sal altyd voortgaan.*

*Sy troon sal altyd duur  
en altyd staan dit stewig,  
deur nageslagte heen;*

*my trou sal duur vir ewig"*





9.

"Maar *wyk sy nageslag*  
*van my gebooie af,*  
*word hulle swaar getref,*  
*sal Ek hul sonde straf.*  
*Tog sal Ek nie van hul*  
*my liefde wil weerhou nie*  
*en Ek versaak hul nooit*  
*in my verbond en trou nie.*  
*Ek sal my woord en eed*  
*met Dawid nie verbreek nie*  
*en Ek, wat heilig is,*  
*laat hom nie in die steek nie."*


10.

*"So lank die son verskyn  
en dan weer ondergaan,  
sal Ek vir Dawid steeds  
sy troon laat voortbestaan;  
so min as wat die maanlig  
ooit sal ophou sprankel,  
so min sal Ek in my verbond  
sy troon laat wankel.  
Ek sal hom steeds voorsien  
van vele nageslagte;  
wat Ek belowe het,  
hou Ek steeds in gedagte."*


11.

*Maar u gesalfde is verwerp,  
deur U vervreem,  
vergeet is u verbond  
wat U in ag sou neem.  
Sy vestings lê in puin  
en ook sy stad se mure.  
Hy word geminag en  
beroof deur al sy bure;  
verneder is hy nou,  
Heer, voor sy teëstander,  
sy glans, sy troon en krag  
het U in smaad verander.*







Hoe lank laat brand U nog u grimmigheid se vuur?




Dink tog hoe kort die mens se lewensja - re duur.




Waar is u lief-de wat ons vroe-ër on-der-vind het,



u trou waarmee U, Heer, aan Dawid U verbind het?



Dié wat ons smaad, o Heer, smaad U daarmee te-sa-me.



Ons lof kom God die Heer vir al-tyd toe, ja, a-men.